

## COMUNICADO DE IMPRENSA

### Timor-Leste: Peritu sira ONU nian halo apelu ba dezvoltimentu inkluzivu no sustentável

JENEBA (21 Juñu 2012) – “Garante kreximentu inkluzivu, justu no sustentável sai dezafiu krusiál ne’ebé Timor-Leste hasoru daudaun”, Relatora Espesiál Nasoins Unidas nian Magdalena Sepúlveda hatete Kuarta-feira durante apresentasaun ba nia relatóriu ba Konsellu Direitus Umanus nian kona-ba vizita ne’ebé nia halo iha Timor-Leste.

Enkuantu rekoñese Timor-Leste nia progresu hodi hasoru dezafiu iha konstrusaun estadu no dezvoltimentu depoizde nia independénsia tinan sanulu de’it, Relatora Espesiál fó atensaun sobre “realidade maka’as kona-ba moris ki’ak nia abut no dezigualdade aas ne’ebé subar iha indikadór kreximentu makroekonómiku rápidu nia kotuk”. Nia husu ba Estadu hodi konsentra ninia esforsu iha polítika sosiál no ekonómika ne’ebé asegura gozu kona-ba direitus umanus populasau tomak nian, hanesan asesu ba justisa, edukasaun, tratamentu saúde, bee-moos no saneamentu.

Timor-Leste ho lalais sai país ida entre sira seluk iha Ázia Pasífika ne’ebé nia ekonomia sa’e maka’as liu, liuliu grasas tanba nia petróleu no gás. Maske nune’e, populasau Timoroan maizumenus porsentu 40 mak sei nafatin moris iha liña pobreza nia okos no país ne’e sai ida entre sira seluk ne’ebé ho taxa deznutrisaun infantíl aas liu iha mundu.

“Ha’u simu ho laran di’ak aumentu kona-ba alokasaun orsamentál ba servisu sosiál sira, inklui saúde no edukasaun, ne’ebé adota depoizde ha’u-nia vizita”, dehan Senhora Sepúlveda. “Maske nune’e, ha’u nafatin preokupa ho faktu ne’ebé alokasaun orsamentál ba infraestrutura física ho proporsaun boot demais, ne’ebé ho gastu ki’ik ba rekursu sira servisu saúde no fornimentu ba edukasaun ho kualidade ne’ebé presiza liu.” Investe ba área saúde no edukasaun sai investimentu ba Timor-Leste nia futuru no ida-ne’e krítiku ba dezvoltimentu sustentável no ho foku-ba-ema, realsa Relatora Espesiál ne’e.

Reforma ba rejime rai nian kontinua sai kestaun kompleksa ba Timor-Leste, ho efeitu grave kona-ba asesu ba rai, abitasaun no manán-moris ba ema sira-ne’ebé ho pobreza. Relatora Espesiál ne’e ba Governu hodi adota enkuadramentu jurídiku ida-ne’ebé klaru no estável kona-ba na’in ba rai, asegura nia konformidade ho estandarte direitus umanus no obrigasaun sira internasionál.

Timor-Leste korretamente sente orgulhu ho nia diversidade linguística. Kona-ba ida-ne’e, Senhora Sepúlveda husu ba Governu hodi garante katak falta kona-ba profisiénsia iha língua ofisiál ruma sei nunca sai impedimentu ba gozu direitus umanus, liuliu asesu ba justisa, edukasaun no asesu ba informasaun.

Relatora Espesiál ne’e mós husu atu aumenta esforsu kona-ba prosesu tomada-desizaun inkluziva, subliña konsentrasau atuál ba podér sira iha tomada-desizaun iha Dili. “Dezvoltimentu presiza sai prosesu “bottom up” ida iha-ne’ebé populasau bele partisipa ho significativa no efikás kona-ba estabelesimentu ba prioridade nasional” nia hatete.

(\*) Haree relatóriu kompletu:

[http://www.ohchr.org/Documents/HRBodies/HRCouncil/RegularSession/Session20/A.HRC.20.25.Add.1\\_En.PDF](http://www.ohchr.org/Documents/HRBodies/HRCouncil/RegularSession/Session20/A.HRC.20.25.Add.1_En.PDF)

HOTU

Magdalena Sepúlveda hetan nomeasaun nu’udar Relatora Espesiál kona-ba pobreza extrema no direitus umanus iha fulan-Maiu tinan-2008 husi Nasoins Unidas nia Konsellu ba Direitus Umanus. Nia independente husi kualkér governu ka organizasaun. Karik hakarak aprende liután kona-ba mandatu no serbisu Relatora Espesiál ne’e, favór vizita <http://www.ohchr.org/EN/Issues/Poverty/Pages/SRExtremePovertyIndex.aspx>

OHCHR Country Page – Timór-Leste: <http://www.ohchr.org/EN/Countries/AsiaRegion/Pages/TPIndex.aspx>

Karik presiza informasaun liután no **pedidu média**, favór kontakta:

-Jenebra: Leonardo Castilho (Tel: +41 22 917 98 61 / email: [srextremepoverty@ohchr.org](mailto:srextremepoverty@ohchr.org))

Ba pedidu média relasaun ho peritu independente ONU seluk:

Xabier Celaya, ONU Direitus Umanus – Unidade Media (+ 41 22 917 9383 / [xcelaya@ohchr.org](mailto:xcelaya@ohchr.org))